



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Svmma, Sive Avrea Armilla Bartholomæi Fvmi Placentini,
ordinis Prædicatorum, ac hæreticæ prauitatis Inquisitoris**

Fumo, Bartolomeo

Antverpiae, 1570

Sortilegium.

urn:nbn:de:hbz:466:1-30427

est perpetuo alterata, solvendum est æstimatio. vide in c. olim. de censu. & c. quanto. de iureiur. & sic communiter tenent legistæ in l. Paulus & in l. minorum. ff. de solu. Multa quæ pertinet ad ius civile circa hanc materiam, ponit Sil. verb. solutio, per tot. sed præcipue q. 2. Quomodo autem fienda est solutio, & cui, & quando, supra, Restitutio, per totum.

SOMNIVM.

Somniorum observatio potest esse peccatum: ut cum quis temerarie iudicat somnia provenire ex aliqua causa, de qua non est certus: vel significare aliquem eventum incertum, & hoc veniale est, quia temerarium iudicium de singulari nullus damni est. Secundo est mortale, quando quis propter somnia committit, vel omittit aliquid, quod est de necessitate salutis, vel contra salutem. Si autem talia non sint de necessitate salutis, licet sint expeditia & vitia ad salutem, talis observatio erit venialis, nisi caderet in crimen superstitionis, in qua miscetur diabolica illusio, & tacita demonum societas, dum paulatim homo tantum vitatur somniis, ut eis pro regulis suarum actionum utatur, aut incidat in alia scelera: ut supra, Astrologia per totum: infra, Superstitio. §. 3. super. Divinatio, per totum. Non est igitur de somniis curandis, cum pluribus ex causis venire soleant, nec de eis timendum.

SORS.

Sors dicitur, cum aliquid fit ab homine, ut considerato eius eventum aliquid occultum innotescat. Tho. in opusc. de sortibus. & secunda secundæ. q. 95. a. vlti. quæ triplex est. scilicet, divinatoria, consultoria, & divinatoria: secundum Caiet. ibi in summa. Prima est circa bona temporalia, dignitates, & pœnas, sicut milites super Christi vestem miserunt sortem, & Saul. sorte electus, & sors cecidit super Ionam, ut puniretur. Ad hoc, quod hæc sit licita, requiritur quod prudenter fiat. Secundo, sine periculo communis boni, vel iustitiæ, quod fieret, si sorte eli-

geretur homines indifferenter ad regimen civitatis, vel animarum: quoniam sors super indignos cadere posset, secus electis prius quibusdam idoneis, & inde de uno eorum datur sors pro pace servanda. Quando ergo homines non possunt concordari, ut in divisione rerum, hoc modo servato, licet ut in sortibus. Concordat Caiet. ibi in summa.

Secundo sors consultoria est, quando expectatur iudicium à Deo, quasi Deum consulendo quid faciendum sit ex eventu sortium, & hæc ad hoc quod sit licita. Primo requiritur articulus necessitatis, ita quod aliter via humana fieri non posset, aliter esset tentare Deum, quod non licet. Secundo, quod cum reverentia fiat. Tertio, quod pro negotio spiritualia exerceatur, & non terrena: secundum Aug. Quarto, ne fiat pro electionibus spiritualibus, ubi licet iure prohibentur. Vbi autem non prohibentur, & ex multis prius electis idoneis super uno illorum consultatur Deus, servatis omnibus prius dictis, exemplo Apostolorum, non videtur mortale peccatum.

Tertio, sors divinatoria est, quæ innititur societati demonum explicite, vel implicite, & hæc damnata & mortalis est, quia contra religionem. Vt ergo sortibus ex suo genere non est mortale, sed ex admixta religiositate, vel irreverentia, vel iniustitia, vel imprudentia. Neque omnis irreverentia mortalis est, ut quando ex Evangelio secularia negotia consuluntur, remota omni superstitione, & demonum invocatione. Imò posset fieri tali fide & reverentia, ac necessitate occurrente, quod nullum esset peccatum. Electiones autem fieri hoc modo prohibentur: in cap. fin. de sorti. ex doctrina Caiet. ibi in sum. Secus in secularibus dignitatibus. Tho. secunda secundæ, supra.

SORTILEGIVM.

Sortilegium, divinatoria & consultoria sorte comprehendit, cum ad demonum recurritur auxilium